

Biatah - Agape Surat-kudus - God's Love Letter Scriptures

John 15:9 Aku rindu angān nimun Sama rindu Aku; rūū meh darūm pinyirindu Ku.

Isaiah 43:1 Israel, TUHAN adi napa kuu nang, “Dūhnyah taru -- Aku re nyirammat kuu. Aku mbūh bagan kuu ngga dūn mu; kuu inūh jaku.

Jeremiah 1:5 “Sibayuh Aku napa kuu darūm tain sindū mu, ka sibayuh kuu dog biranak, Aku mbūh mien kuu ka tjuan kuu bada jadi nabi yūn bangsa bangsa.”

John 15:16 Angān dūh mien Aku; Aku mien angān ka tjuan angān da panu ka pijadi bagū buwa, buwa adi tan adu adu. Ka Sama meh re nggen di angān tadū kayuh adi angān mite ngga adūn Ku.

3 John 1:2 Dingan adi aku rindu, aku simayang mite sopūrūg kayuh tirase di kuu ka mite kuu bua sanang, nimun adi mbūh aku puan kuu agi sanang darūm roh.

Isaiah 43:4 Aku re nyerah ndi bangsa bangsa ngga nyirammat asūng mu, sabab kuu brega yūn Kuka sabab Aku rindu kuu ka katuh kuu.

Jeremiah 31:3 Aku nandūng di ngara so jo. Daya Israel, Aku ari rindu angān, jadi Aku re kiren di angān pinyirindu Ku adi dūh bisa birubah.

Hosea 11:8 “Simuki Aku re tandah kuu, Israel? Simuki Aku re tagan kuu? Bisa kah Aku pirabur kuu mun Admah, puan kah ndai di tunduh mu mun Zeboiim? Atin Ku dūh re bada Aku ndai simūnū! Pinyirindu Ku di kuu inūh raru bās.

John 3:16 Simuti ata puan ani sibandar-i pinyirindu: Kristus ko nggen asūng- I yūn ta. Ata gūh, patut nggen asūng ta yūn dingan ta!

Isaiah 49:15,16 Jadi TUHAN nam, “Bisa kah dayung kambūt sipira adūp-ika dūh rindu anak adi-i ruwan? Pak kambūi sindū daya kapang kambūt anak-i, Aku dūh re kambūt angān. 16 Jerusalem, Aku dūh dapūd kambūt kuu! Aku mbūh nuris dūn mu di pura tangan Ku.

Isaiah 41:13 Aku ati TUHAN adi Tapa ngan. Aku nyibake angān ka nang, “Dūhnyah taru; Aku re turung angān.”

Matthew 28:20 ka ngajar ngara da sita sopūrūg kayuh adi Aku ko pesan di angān. Aku re ari agi ngga angān, ndūg Andu Sikasūn.”

John 14:1 “Dūhnyah susah,” Jesus nang di ngara. “Sabah di Tapa ka sabah gūh di Aku.

Isaiah 41:14 TUHAN nang, “Sawū angān sū buang ramah, Israel, dūhnyah taru; Aku re turung angān. Aku, adi Tapa kudus Israel, Aku inūh adi

nyiramat angān.

Isaiah 43:2 Kan kuu mutas rawūt adi tūrūp, Aku re agi ngga kuu; pinyusah mu re dūh ngarah kuu. Kan kuu mutas apui, kuu re dūh sau; pisuba adi bat adi dog kuu re dūh kandam kuu.

Mazmur 23:1-6 TUHAN inūh pingingat ku; aku biyūn sopūrūg adi aku biguna. 2 Ayūh bada aku guring di kupai barūmka nguru aku ka piin adi tanang. 3 Ayūh nggen pinyibake bauh di aku. Ayūh kayak aku di aran adi batur, nanyam adi mbūh-l janji. 4 Sunggu kambūi aku panu nyuso karūm patū', aku dūh re taru, TUHAN, amai Kaam agi ngga aku. Sikud ngga pakung Mai grindung aku. 5 Kaam sidia biruman bās yūn ku, di yūn sopūrūg pinganyu ku dapūd kiris aku; Kaam kambat aku mun pingabang adi dog stabika ngisi saker ku ndūg bibis-i. 6 Aku puan pinyikana ngga pinyirindu Mai re agi ngga aku sitūkūd umbur ku; ka ramin Mai re jadi arūn ku sitūkūd aku udip.

John 14:27 “Damai inūh adi Aku tingge di angān; damai adūp Ku Aku nggen di angān. Dūh mun damai adi ong nggen di angān. Dūhnyah atin ngan susah ka taru.

Philippi 4:7 Ka damai Tapa, adi rabis so tungang manusia mirati, re jaga atin ngga pikir ngan da pagūng darūm angān udip ndi ngga Kristus Jesus.

Pitas 3:24 Kuu dūh re taru kan kuu di ka ambok mu, ka kuu re būus rūrū ndi ngarūm ngarūm.

Mazmur 4:8 Kan aku guring, aku būus sanang; Kaam sadi, O TUHAN, adi bada aku sukup pagūng.

Mazmur 33:18 TUHAN nyibatūh ngara adi dingah pinganang-l, ngara adi sabah di pinyirindu-l adi dūh bisa birubah.

Rome 5:2 Ayūh mbūh taban ata so ka pinyabah da kinyam pinyirasi-mandis Tapa, di yūn ata madin udip. Ngapūi ata mingangūn di pingarap ta adi re samah dapu bragah Tapa!

Isaiah 55:12 “Angān re bu tingge Babylon ngga gaūn; angān re dog nguru ruah so kupo ngga damai. Darūd ngga sandah re biragu ngga gaūn, ka tūngūn tūngūn kayuh re nyirais ngga gaūn.

John 16:22 Simūnū gūh angān: madin angān susah, pak Aku re dapūd angān dinge, ka atin ngan re puno ngga pinyigaūn, pinyigaūn adi mating daya bisa tambit so angān.

Luke 12:9 Pak asi asi adi tirawan Aku di sirung jawin daya bagū, Anak Manusia re tirawan gūh ayūh di sirung jawin bara malaikat Tapa.

Matthew 10:30 Ka kuu, sirah ubok mu mbūh gūh dog niap.

Isaiah 54:10 Darūd ngga sandah bisa rubuh, pak pinyirindu Ku di kuu dūh re mungan; Aku re adu adu sita janji damai Ku.” Sakanū TUHAN adi rindu

kuu.

Matthew 11:28-30 “Mandüg ka Aku, sopürüg ngan adi mbüh jera da pinyirabis bat, ka Aku re pirupas angän so bat-i. 29 Tunda pritah Ku ka trima ajar Ku, amai Aku ati duduh buang tükün darüm roh; Aku re piranyah angän. 30 Amai pritah adi Aku nggen di angän sanang dog nurut ka pinyirabis adi Aku nggen sanang dog kabis.”

Ragu Solomon 2:10 Dari adi aku awang minyu ngga aku. Mandüg garang, dayung adi aku awang; Dayung ku, tunda aku.

Hosea 2:14,19,20 Aku re taban ayüh ka tarun tana-pajam dinge; diginü Aku re bada ayüh pari ka adüp Ku ngga pinganang pinyirindu. 19 Israel, Aku re bada kuu jadi sawün Ku; Aku re sawü buang tütüd; Aku re masi di kuu, ka pinyirindu Ku di kuu düh re birubah; Aku re bada kuu adu adu tung jaku. 20 Aku re sita janji Ku ka bada kuu jadi tung jaku, ka kuu re ngaku Aku TUHAN.

Pinyiruah 3:14 Tapa nam, “Aku ati inüh Aku. Kuu düh siün düh kidaan di ngara, ‘Sianü adi adün Aku ati inüh Aku mbüh pait aku ka angän.’

Hosea 13:4 TUHAN nang, “Aku ati TUHAN adi Tapa ngan, adi taban angän ruah so Egypt. Angän düh biyün Tapa bükün adü-l Aku. Aku sadi adü pinyikudip ngan.

John 15:14 Ka angän inüh dingan Ku kambüi angän ndai pinyiraan Ku.

Pinandüng 3:20 Dingah! Aku agi mijog di tiban ka gutog; kambüi agi daya dingah sirüün Ku ka kuka tiban, aku re mürüt ka darüm ramin-i ka man ngga ngara, ka ngara re man ngga Aku.

Pastor T. John Franklin
Church of Salvation, Healing, and Deliverance
COS-HAD.org